

劫長延

次復鑑

仙靈仙官金童使者五帝五獄神仙人三
光正真左右龍虎天仙五靈香官當今召致
無上十方正真生炁自然金液丹精芝英九
天玉真在此齋壇洞觀齋主覆護昇仙飛行
太空騰景九天玉童玉女侍衛香煙傳日向
來所啓速遠高具上清玉帝萬聖九前

吟遊壇頌一市下壇

衆仙出洞真 煥爛耀太清 奉者號仙人
形質永長生 逍遙戲玄虛 宮殿羅無形
蒨際七寶林 晃朗日月精 龍鱗交橫馳
鳳凰翔悲鳴 太上治玄宮 衆真誦洞經
焚香稽首禮 左行遶宮城 三周歸高坐
天尊當應聲 一心弘至道 天下普安寧

學仙注下壇呪從地戶出

福壽既往 殞籍落名 天帝有命 億劫齊生
事畢復位 萬神咸寧 後有關啓 復降真靈
至玄師前拜謝而散
上清天寶齋初夜儀 終

太乙火府奏告祈禳儀

舉步虛

焚符於水玉淨穢

太虛無體淨穢皆空妄覺一生塵緣競起既
非真境即是魔宮是故行持先當蕩滌謹奉
真符告召

九鳳破穢大將軍八方大力威神乾羅怛那
洞罡太玄使者五方五龍神君華池文浴夫
人滄水繡衣使者吞魔食鬼將軍銅頭鐵面
騎吏本佩法錄仙靈解穢合干將吏並請遵
依元降齋赴靈場布炁行神流鈴擲火變化
法水蕩穢氣於八紘斬戩魔精布真風於十
極萬靈振伏十方肅清天無氛穢地無妖塵
冥慧洞清大聖玄玄一如告命

淨天地神呪 火舉華夏

師三禮上香

道由心學 信假香傳 手執玉爐 心存九天
真靈下盼 仙梯臨軒 臣今所啓 咸賜如言

跪默啓

具位臣某恭焚真香誠惶誠恐稽首頓首啓

奏供養

玉清聖境元始天尊上清真境靈寶天尊太
清仙境道德天尊昊天至尊玉皇上帝星主
北極紫微大帝太微天皇大帝承天效法后
土皇地祇神霄真王長生大帝東極青華大
帝九天應元雷聲溥化天尊九天雷祖大帝
上清紫微碧玉宮太乙大帝六天洞淵大
帝六波天上帝君可韓司丈人真君九天採
訪使真君五方五天尊十方靈寶天尊三
十二天帝君諸天上帝高真十極十華真宰
瓊章道藏經錄神仙斗父北極龍漢天君斗
母紫光金真聖德天后中天北斗九皇道君
斗中帝座星君北斗九皇夫人內妃擊羊陀
羅二仙使者斗中神仙靈官將吏天罡大聖
萬真節度星君日宮月府星君五方五德星
君玄都四曜星君南斗六司星君東西中三
斗星君三台華蓋星君二十八宿星君十二
宮分星君普天玄象星宰南極長生注生大
帝南極福祿壽星君西臺金真萬炁元君本
命元辰福祿壽星君大小運限祿馬星君當

生統年照臨星宰三元三官大帝北極天蓬
 蒼天上帝北極天猷丹天上帝北極翊聖皓
 天上帝北極佑聖玄天上帝天曹太皇萬福
 真君天曹玉曆上生真君天曹掠刺大夫真
 君天曹注福注祿注壽真君天曹會上無邊
 真宰九天生神大帝九天儲福定命真君九
 天司命上卿真君九天監生大神九天衛房
 聖母元君九天朝元諸司真宰星河橋塔生
 化神祇五雷院使真君雷霆都司元命真君
 北極驅邪使奉玄都三省真君僉書三省使
 真君靈寶五師真君火府傳教紫府馮真人
 祖師希夷陳真人祖師通玄劉真人祖師中
 天樞相伏魔許真人祖師清隱上仙披雲揚
 真人祖師雲莊黃真人宗師西臺風雨令玉
 田葉真人火府演派流芳歷代師真
 大府主法都雷總管李元君主帥顯順大將
 軍丘元帥副帥靈變大將軍王元帥雷樞大
 神陳元帥雷機大神李元帥雷衛大神孔元
 帥雷烈大神崔元帥雷光大神周元帥雷令
 大神紀元帥雷陣大神劉元帥雷威大神林

元帥驅雷家書白元帥通奏直符謝元帥開
 壇聽令四大雷神諸階法中官將吏兵水府
 土司無邊真宰陽間徽續祀典神祇名山洞
 府得道神仙雷府疆司列職真宰行年太歲
 至德尊神內廷五祀之神京都城隍之神京
 畿廟祀祀典神祇壇靖所奉火明神日分
 功曹使者虛空來往神仙所啓無邊真宰千
 冒真慈洞回昭格伏念巨猥以公微冒忝玄
 秘無功及物有過在躬第惟有受於投詞詎
 敢或忘於請命以今奉為恭恪遵科教肅建
 星壇像斗然燈投符作占伏願天之高星辰
 之遠一忱可格於齊臨地之大河海之深跬
 步敢期於畢至珠懸黍末法演霽林駐驛傳
 騶環袞龍而當座鳴珂委珮翼序鷲以聯班
 少聽洞章同躋妙道且干冒威嚴下情無任
 激切屏營之至稽首頓首再拜謹言
 舉清災解厄天尊
 召將 焚降令符 召杜令六神
 天靈天靈三界威神木客邪鬼令化微塵風
 雷雨部四瀆神王五嶽真君各拱壇界分別

章表上達玉清急急如
 大赤天帝律令敕
 召四將
 上清有敕速召雷神直壇四將火急摧傾五
 嶽四瀆各聽威聲關召速降各列官庭奉符
 用命面奏玉清急急如
 大赤天帝敕
 天丁天丁地靈地靈陰陽交合雷部現形謹
 召開壇聽令高陶崔趙四大天將速至壇所
 疾
 存至四角
 舉靈通感應天尊
 召謝白 焚符
 杳杳冥冥天地同生神化倏忽聚而成形閱
 呼即至過召速臨急急如
 大赤天帝敕
 吾今通奏壇前聽候所啓所願通達
 御前當日直符謝祐白伸隨師勅令急急如
 大赤天帝敕 子文午出
 舉靈通感應天尊

密咒呼咩應雷轟攝

啗杏鳩盤陀利攝天下鬼神依師勅令速

如火令急奉

大赤天帝君敕

午文存至

適仰告召已沐來臨以今奉為某伏請整肅

威嚴護衛壇墀開天門閉地戶聿嚴虎豹之

關朝帝所躡雲根共遊龍鸞之馭益昭神呪

潛格靈麻

舉金真演教天尊

降師

學而不從師玄理難於自悟教者必以正至

道妙於心傳脉絡貫通未支接續此太上聿

嚴於授度故後人深重於繼承凡有皈投教

忘關告門下 具職 謹同齋官默想師闡

志心拜請

祖師啓教紫府馮真人祖師純素妙道希夷

陳真人祖師太極上相通玄劉真人祖師中

天樞相伏魔許真人祖師清隱上仙披雲揚

真人祖師浦城真常先生雲莊黃真人宗師

西臺風雨令玉田葉真人火府歷代演派師

真恭望師慈俯垂看錄必聞清明在躬符章

瑞世夢傳聖母靈書丕顯於開元感叶懸筵

異相遜彰於太一石室之文斯隱蜀都之派

維新老君現而來山下之青牛魔女擒而掣

井中之鐵鎖文星炳瑞樞府儲祥白晝而流

火漲天冲虛示化清夜而彩雲貫斗躡景飛

神嗣之浦城者皆可筌蹄繼之玉田者足為

矜式肅命而風翻雷激指揮而雨止風停著

八字之家書水錫生生世世冠諸階之道法

茂廷子子孫孫是夕恭願玉珮鏗鐸霞裾縹

緲自天衢而下邁格塵世之小心謹啓以聞

舉道經師寶天尊

上信香見師

雲輿 散花 獻茶

具位某虔誠上啓

祖師啓教紫府馮真人祖師希夷陳真人祖

師通玄劉真人祖師伏魔許真人火府古今

歷代傳道授法演派師真恭望師慈俯垂看

錄伏聞師所存道所存派系遠通於脉絡德

之至教之至範模永賴於甄陶以今奉為某

丐投告盟斗極順度星躔重念某玄門末緒

道域疎才姓名冒綴於仙階多違戒律科格

罔明於祖訓濫竊行持匪藉提攝曷由感格

所祈事理乞賜允俞仰冀宣行斗教播告星

垣俾所屬之玄曹聲發響應命合干之將帥

形動影隨罡步通靈符章有驗干冒師嚴某

下情無任虔禱之至謹言

舉七元覆護天尊

明燈

蓋聞斗運七元宰生殺照臨之柄燈分五色

驗吉凶禍福之機光燭人間位居天上仗丹

符而飛焰燦然象緯之當空炳燿極以同輝

儼若熒衡之在御仰希昭報式副虔祈

法師然燈

眾諷神呪

師存思合斗

太上有教 點發斗燈 七元來降 救度眾生

左輔右弼 顯現威靈 天蓬元帥 統領天兵

五雷使者 六甲六丁 真武大聖 台中三星

去病除禍 斬馘妖精 違教者死 順教者生

斗燈一照 身宅光明 福果長壽 永保利貞

燈光明耀 照人長生 三魂安健 七魄康寧

明燈攝光 遊精不飛 七魄安守 萬神總歸
斗中齊景 長處光輝 七元來降 受神告聞
燈光明暗 知吉凶凶 威神之力 萬願皆從

投盆符 作占

巨聞清冷 泠泠者神水之鄉 心授授者真
符之秘必也 驗靜中之動 于以測玄上之機
伏願光溢 恩波春融 福筆壽無 極無窮之脉
譬彼長流 定所戴所履之方 昭哉吉報 所有
牒文茲當宣示

宣牒 投盆符 召二使者

太乙火府焚符告召

斗中擊羊陀羅二仙使者 斗中通事舍人聞
今告召速降壇庭急急奉

大赤天帝君教

斗中有特職贊璿璣 掌善罰惡 察過言非

玉衡布命 威鎮瑤池 聞吾呼召 風火奔馳

赴臨壇下 毋輒稽違 急急奉

大赤天帝教 三教

靈叱喇星帝摩娑訶多薩訶哩啼聚莎訶
唵嚩訶喇攝

天中斗神 斗曜之靈 左有汝明 右有妙真
神變莫測 出幽入冥 吾今關召 速降壇庭
急準

大赤天帝教 存降

法師白事 焚合符

通伸告召 諒沐降臨 當所以今奉為 某舒壇
建斗解厄 消災欲 遷宸麻以 仲寅奉 敢煩神
力 貴此合符 上詣

斗宮請降 恩先俯臨 燈席畢

教奉行 拱俟 昭報 步斗存遣

靈通感應天專

具位 巨某與齋官合壇官眾等 謹同誠上啓
三清上聖十極高真 北斗九皇道君 四府萬
靈眾聖火府師君 將帥燈筵 觀鑑神 祇于目
真慈洞回 昭鑒 巨聞 燒香 歸虛 無華 蓋已 騰

於寶篆冥心 望北極丹霄 儀駕於金輿 載維
梵氣之玄 塞尚隔紅塵之穢 濁仰瞻九陸 俯
鑒一誠 紫雲翳勃於絳橋 瑞霧紛馳於綠仗
繡衣前導 倏忽降下於瑤壇 銀燄交輝 恍若森
羅於璇極 巨與齋官 遙望天階 奉迎星馭

焚接駕符

降聖

巨等中謝 謹謹奏請 中天大聖 斗父北極龍
漢天君 中天大聖 斗母紫光金真聖德天后
北斗網極宮太尉貪狼星君 北斗靈關宮

上帝巨門星君 北斗紫極宮司空祿存星
皇君 北斗運天宮遊擊文曲星君 北斗帝
席宮斗君廉貞星君 北斗上尊宮大帝武
曲星君 北斗關會宮上帝破軍星君 洞
陽宮大帝天專外輔星君 隱元宮大帝真

人內弼星君 中天大聖 北斗九皇 延生夫
人 巨等中謝 恭望星慈 特賜瑤光 降臨 蘭席

雲輿

通伸奏請 已沐降臨 輒備淨茶 用伸上獻

進茶

具位 巨某等 謹同誠上啓

虛皇妙道 十極高真 北極梵炁 龍漢天君 紫
光金真 勝德天后 北斗九皇 大道君 斗宮列
班 真宰 奉命 元辰 星君 火府師君 雷神 天帥
燈壇所 啓 觀鑒 神祇 恭望 聖慈 洞垂 昭鑒

臣聞周沙界入微塵邃運無方之化判人間
司陰府實弘不測之功亘古亘今至靈至聖
自天地肇分於太極而璇璣已列於北辰運
花九苞一時出現玉衡七政萬類生成故人
品之貴賤雖殊在命分之照臨不異凡曰禍

而曰福暨災與而與祥悉自權輿得由主宰
然其大慈大願每赴感以垂慈質其厚德厚
恩屢有求而叶應肅于喉舌敷露腹心劬符
合而聖馭降臨燈焰輝而神光下燭靈存畢
集玄象森羅明水芳醪式陳初獻

法事

具位臣某等謹同誠上啓

虛皇妙道十極高真梵炁龍漢天君紫光金
真聖德天后北斗九皇大道君斗宮無邊真
宰本命元辰星君火府師君帥將三界一切
威靈恭望聖慈洞回昭鑒臣聞應九天應九
地尊無越於九皇曰北極曰北辰顯莫踰於
北斗昭然在上劃爾當空故有耳目者靡不
見聞而具性命者均從賦予功參萬化道貫
三才大如海嶽之靈祇舉拜涵濡之澤微若

江河之魚鱉亦傾朝戴之心顧何災不滅何
福不臻抑所感必通所求必應用數悃素仰
濱高明明水芳醪式陳臣獻

法事

具位臣某等謹同誠上啓

虛皇妙道十極高真梵炁龍漢天君紫光金
真聖德天后北斗九皇大道君斗宮無邊真
宰本命元辰星君火府師君雷神天帥三界
官屬一切威靈恭望聖慈洞回昭鑒

臣聞為樞機作主宰運六氣而御四時理網

紀統乾坤總五行而司八卦光臨下土位冠

中天原夫太素之未分無形無象粵自混黃

之成化有緯有經皇人按筆以書符太上開

函而演奧座扶玉局教闡金科躡景復師緯

著家書之妙旨飛神謁帝率彰火府之靈文

仰惟奕世以相傳爰許微臣而致懇念蔡霍

之誠可格愧潢汗之薦非儀明水芳醪式陳

終獻

法事 進章 或表

臣聞道無心而可情求太上示延生之典天

不言而能善應斗真垂度厄之科星馭俯臨
霞裾並集禮既成於三獻誠敢息於一心仰
維上古之結繩不假文字繼自皇人之按筆
以演洞章故封緘得以將懇謝之辭而毫楮
遂式達敷陳之意宸聰伊邇聖鑒非遙九頻

首以望天顏三薰手而披雲笈金輿玉輦昭
回已格於凡塵玉宇金書報應即頒於溫詔
臣謹關法壇神吏急急捧奏以聞爰有
謹當跪奏

宣關畢

師步罡伏地待報得報即起上香

解厄

大聖北斗七元君 能解三災厄

大聖北斗七元君 能解四熱厄

大聖北斗七元君 能解五行厄

大聖北斗七元君 能解六害厄

大聖北斗七元君 能解七傷厄

大聖北斗七元君 能解八難厄

大聖北斗七元君 能解九星厄

大聖北斗七元君 能解夫妻厄

大聖北斗七元君 能解男女厄
 大聖北斗七元君 能解產生厄
 大聖北斗七元君 能解復連厄
 大聖北斗七元君 能解疫癘厄
 大聖北斗七元君 能解疾病厄
 大聖北斗七元君 能解精邪厄
 大聖北斗七元君 能解虎狼厄
 大聖北斗七元君 能解蟲蛇厄
 大聖北斗七元君 能解劫賊厄
 大聖北斗七元君 能解枷棒厄
 大聖北斗七元君 能解橫死厄
 大聖北斗七元君 能解呪誓厄
 大聖北斗七元君 能解天羅厄
 大聖北斗七元君 能解地網厄
 大聖北斗七元君 能解刀兵厄
 大聖北斗七元君 能解水火厄
 大聖北斗七元君 能解一切厄
 於此七元君 大聖善通靈 濟度諸厄難
 超出苦眾生 若有急告者 持誦保安平
 盡憑生百福 咸契於五行 三魂得安健

邪魅不能停 五方降真炁 萬福自來并
 長生超八難 皆由奉七星 生生身自在
 世世保神清 善似光中影 應如谷裏聲
 三元神共護 萬聖眼同明 無災亦無障
 永保道心寧

還轉 受醫 起占

具位巨某等謹重誠上啓
 虛皇妙道十極高真梵炁龍漢天君紫光金
 真聖德天后北斗九皇大道君斗宮列班真
 宰本命元辰星君火府師君天神雷師燈壇
 所啓列位高真恭望祥光洞回昭鑒
 臣聞悔過虔恭詎敢式違於經教奏章懇願
 庶幾可格於天心江海弘深乾坤廣大維無
 不包而無不入故有所受而有所容伏念某
 等爾爾微生混然中處粗知學道尚愧隨流
 撫戒行之既虧顧操脩之弗正七情六慾尤
 致牽纏三業六根未能清淨因而授法愈以
 招非出偽隱真談空說有漏泄玄科之秘旨
 益增黑簿之罪名動積多愆居無片善或躡
 紀飛罡而次序乖於左右或存思注想而聞

見亂於後先香火之祀罔虛符篆之書實拜
 雖昭昭之際人所不知然冥冥之中神赫其
 怒迨茲發露咸向敬原俾臣等藉上清都宇
 題丹篆形神沖寂共期玄妙之遊志意真純
 永奉虛無之化上願天祥地泰君聖臣賢日
 月貞明兩躡時若四海息戰爭之禍兆民歌
 豐樂之年次愿春官某吉叶太和數超前定
 魔無干犯俾極馬之資扶身有光明錫魂神
 之澄正一家長幼四序康安且等七世先靈
 早遠逍遙之境三塗滯礙俱登快樂之鄉凡
 在有情冀叨洪施以今香殘寶篆漏趣銅壺
 餘光遙映於蓬茅清蹕已先於輦輅賜行鷺
 列維聞環珮之珊珊鳳嘯鸞吟僅覩冠裳之
 秩秩霓旌羽蓋已在璿霄虎衛龍驤還歸全
 闕丹霧絳霞之營劫瓊樓玉宇之高寒克厭
 初圖厥終莫盡勤奉之意倏而來忽而往徒
 深依戀之情巨與齋官遙望天階奉辭仙馭
 太乙火府奏告祈禳儀